
松古今醫事案按清察查書 司印

GChinece Vol. IV



auh.				8							
古今醫案按卷四	下於陰分以甘寒之劑為火熱人	津要補處先灸中院乃胃之紀,	半載餘羅診脉浮影按之無力正	An a towns	虚損				嘉善俞震東扶纂輯		古今醫案按卷第四
	下於陰分以甘寒之劑為火熱佐以甘温養其中氣又食粳米羊肉之類發元深海祭百班長養則成又多三里丁目之名方方用下京打一家行	津要補處先灸中院乃胃之紀也使引清氣上行肥腠理又灸氣海使生	載餘羅診脉浮影按之無力正應浮脉歌云臟中積冷管中熟欲得生	謙甫治建康道周卿子年二十三至元戊寅春間病發熱肌肉消瘦四		路南 此賢	孫男掌明冏若全較	得璜磻溪	男念祖永修較字	吳江李齡壽辛垞重較輯	

之以味勞者温之損者益之補可去弱人多羊肉之類是也人參能補氣 論云心苦緩急食處以、之以甘。為之為熱補氣非甘。寒不可若以苦寒 人皆忌之而君反令食何也羅曰内經云火位之主其為以甘藏氣法時 年肥甚倍常或日世醫治虚勞病多用苦寒之劑君用甘寒羊肉助發熱 固其胃氣戒以慎言語節飲食懲忿室然病日減數月後氣得平復速二 虚羊肉能補血虚食羊肉何疑耶 陽民家多受其害後被擒臨刑監官問日汝有異術信予日無也惟火 超本太原人後入重湖為盗年至九十。精彩腴潤能日溫十女不衰岳 短因灸氣海氣遂不促自是每歲須一二次灸之以氣怯故也合觀 震按羅公治總管史侯男便血及運使崔君長子心脾痛皆灸此三穴 家之說則虚損病用樂難效莫如用多扁鵲新書載紹與問有步卒 所講灸穴之義亦同想其以此取效多矣柳公度言予售多病常苦氣 使牌土愈虚火邪愈甚矣又云形不足者温之以氣精不足者補

古今醫 薑汁糊丸 木陳皮濃煎下連柏丸三十粒服一年後精力如丁年。連柏丸用薑汁炒 醫投風樂朱田若用風樂至春必死此大虚證宜大補之以參茂歸芍白 而緩右脉緩大不及左重按皆無力飲食略減而微渴大便四日始一 丹溪治一老人七十九歲頭目昏眩而重手足無力、吐痰相續左脉散大 日 震按脉緩大重接無力。冬流术是矣連柏丸何耶豈以其微渇大便 命之法约艾第一寫思灼艾而至千块惟能忍人之所不能忍斯能為 官令剖其腹之缓處得一塊非肉非常凝然如石即艾火之效故云保 力耳每夏秋之交即灼關元千姓。久久不畏寒暑累日不飢至今臍 人之所不能為耳亦殊難矣 地如火之場豈不聞土成磚木成 及千年不朽皆火之力也死後刑 行耶或以脉緩大為熱耶 案 按一人卷四 入蒼厚因厚味致消渴投寒涼藥愈後喫黃雌雞滋補約至 四

吳球治 其絕內味月餘平復因多啖雞卯患胸腹膨脹自用二陳湯加香附白豆 蔻其滿頓除乃令絕肉味勿藥自安 胃氣尚在以象弦术熬膏前淡五味子湯入竹歷調服三日諸證悉除令 氣乃堆糠鋪簟蔽風而處動止呼吸言語皆不能丹溪診之脉四至浮大 暑月為更宜究因選藥巧不可及令絕肉味善後尤住 味子湯送者五味以沒其氣之散淡則味蔥東濡其血之耗也且用於 倍用參武术前高與脉浮大而處恰令其消痰藥只用一味妙絕淡五 隻患膈滿嘔吐醫投丁沉附子之割百貼而愈值大熱中尚思風怕地 虚此内有淫痰以多服燥熱藥致氣散血耗當夏令法當死賴色蒼厚。 吐而悟之至謂虚寒之象以多服燥熱藥氣散血耗所致見識高人 至人必仍視為寒矣丹溪斷為涇淡者蓋推前因之食雞干隻膈滿區 震按動止呼吸言語皆不能其虚象尚易視熱天畏風怕地無脉又 一貴宦年七十少患虚損好服補劑一日事不遂意頭目眩暈精

平胃散倍加養术白术苓半川芎香附木通砂仁卷防加薑煎服黄昏 本九並進反加氣急吳診其脉大力薄兼問病情因得之日先生歸休意 神短少遂告醫以居常多服人參其效甚述乃競用人參熟地湯樂及固 虞恒德治一人年三十歲三月間房事後乘馬渡河遇深淵沉沒幸馬健 古今醫案妆一卷四 作虚證治而補氣血月餘不效更醫作經治用四物加知柏地骨皮之類 無事連淫衣行十五里抵家次日憎寒壯熱肢節煩疼似瘧非瘧之狀醫 切當道苦留抑鬱而致病耳醫者不審同病異名同脉異經之說氣鬱 概行被樂所以病日加也宦者日、斯言深中予病竟用四七湯數劑寬快 大補陰九倍加紫河車服至九月反加滿問不食催乳妈日飲乳汁四 盃粒米不食處診視六脉皆洪緩重按若牢右手為甚處作淫鬱治用 震按此老原係虚證後之加劇者由於鬱耳用補而病轉增自當尋其 别因祇緣脉大力薄仍屬虚脉故須問而知之也

穀氣以扶助之是以易飢而欲食雖食亦不生肌肉也經曰飲食自倍腸 术。服二十貼而安。 粥二碗由是諸病皆減能食仍與前方服三貼後以茯苓滲淫湯倍加 貼 汗多亡陽奈何以陰虚治食則易飢者非陰虚火動也蓋脾胃以氣為 恶寒能食易飢日見消瘦頻頻夢遺筋骨疼痛久卧枕榻醫用滋陰降火 氣屬陽脾胃之陽已虚又寫以苦寒屬陰之藥故陽愈虚而內空竭須假 效汪視左脉浮虚而緩左脉浮弦而緩乃口足令身寒是陽虚之驗又 石山治一人年逾三十神色清減初以傷寒過汗嗣後兩足時冷身常 即愈合上二条並觀之可見病因亦不得不講。 眼在房事後耳延至半年。病勢益重而其成仍非虚損脉故以淫鬱治 震按溺水不換淫衣又值速途次日即病何至遂以虚損治蓋庸醫着 貼至半夜福身發紅丹如應疹片時遂沒而大汗即食稀 為肌膚其此之謂與夢遺亦非特陰虚經曰陽氣者

精則養神柔則養筋今養氣處不能養神則夢寐弗靈而神恭藏于心不 實陽虚則不能因而精門失守此遺之所以頻而不禁也經回腎者胃 能養筋則筋骨疼痛而魂弗藏于肝神魂失所安得不遇乎經回氣固形 攢熱勿休且近來午後背甚覺寒兩腿麻冷用多二錢五分茯苓門冬白 錢白术一錢甘草五分积實香附山查並子各五分煎服半載隨時令寒 關也今若助陽以使其固養胃以守其關何處遺之不止乃以參茂 二三聲胸腹作脹頭腦昏痛不堪時或發熱渾身疼痛天明前證少息惟 間攢熱復爾或敬惡酸水小溲頻赤大便海泄雖睡熟亦被敬而寤熾惡 古 餘左耳氣出如右早則聲啞胸前有塊攢熱晨後聲啞稍開攢熱暫息少 升降而易其佐使遂全安 震按以上諸衆皆與今之所謂損怯者不同故亦無用滋陰潤肺樂者 一人年踰三十質弱而色蒼初覺右耳時或冷氣呵呵如箭出越兩月 下條則全似今之損怯而用藥卻平正可法 杂 按一卷四 四

术各一 物 李士材治福建何金陽令郎患虚損夢遺盗汗羸頓已極檢其所服 與 許。激漸止食少再加白术茯苓人寒食漸進夜噙太平丸晨服六味合生 為樂苦矣乃以歸牌湯入肉桂一錢人參五錢當晚得熟寐居十日 止精藏更以還少丹兼進補中益氣間服一月而瘥 知 震按此條純是今人治損怯法兩月數至半年全愈亦頗有之但不能 四物換生地加貝母丹皮麥冬五味阿勝煎服加蔗漿一小盃薑汁 豪先年以醉後嘔血数升遂咳不止百治不應肌食遞減煩躁喘滿 應宿治祁門人周三年近三十潮熱咳嗽咽啞診之六脉弦數周故 加枸杞為丸兩月數止半年肥白如初。 按脉大而數按之極較誠宜温補矣然用温補得數脉退則愈數脉 栢為主芩連二冬為加減診其脉大而數按之極軟季回中氣大寒 錢黃連甘草松實各五分貝母歸身各一錢白芍八分煎服尋愈 四

謂金以火為仇肺不 熱喜其六脉不數惟左寸濇而細右關大而軟思意傷心脾也以歸牌湯 膏及龜據為丸至十的而康 两改仁五錢蘭葉三錢連進二劑而喘順上以地黃九料用麥冬五味煎 料加丹皮麥冬生地二十劑而證減六七兼服六味九三月遂不復發 喜脉之不數此條喜脉之數大蓋二人俱係新病一 門張飲光發熟乾咳呼吸喘急服蘇子降氣不應服八味丸喘益急 治刑部主政唐名必勞心太過因 震按上條於左寸右關得其病因此 材視之兩頰俱赤六脉數大。日此,肺肝蘊熱也以逍遙散用牡丹皮 較死期已近温補何益也 退則仍不愈也亦惟大而數按之極較故可温補若細而數按之 輪所孫女吐血痰嗽六月診之兩尺如爛綿兩寸大而數 被 小浮濇反得洪大賊脉見矣秋 食海鲜 條以服温納不應悟其病因上 吐血有痰喉間 令可憂八月初五復 虚一電尚易辨 五 如鯁日崩 極 煩

銭茂术三錢歸芍二錢陳皮一錢日投三貼約進七 知若能惟余是聽不為旁撓 十二日死計其期當死于十六日。然能食者過期况十六十七二日。皆金 以 其能食未深信也至十八 遽絕也十八日交寒露又值火日經四手太陰氣絕丙日萬丁日死言 御馮五玉令愛發熱咳敢已及半載十月間吐鮮血甚多每日祇食稀 震按此真人理深談粗心者那得如是通盤打算 日也寅時乃氣血注肺之時不能注則絕必死于十八日寅時矣輪所 肺之洪者變為細影腎之軟者變為疾助余曰歲在戊午少陰司天兩 不應今尺當不應而反大寸當浮大而反沉細尺寸反者死肺至懸絕 盛大肉消腦大便溏泄沉困着床脉來七至李马法在不救人 按昔賢治虚勞每以冬术桂附奏奇功遂武丹溪滋陰藥不可用 于床又三月而飲食如舊矣 八果未曉而終 可救十中之一 每貼用人 參五錢桂 附 所共 飾

古今醫 間客弦餘皆洪大因許可治病者曰醫皆謂火起九泉者死大肉盡削者 孫東宿治張子心弱冠病察其證咳嗽下午熱從兩足心起漸至頭面夜 死。咳嗽加汗者死脉不為汗衰者死况當夏令肺金將絕先生獨言可治 星士决上科必售予仍落第而同窗者中故快快至此今亦忘其病源矣 何也孫曰證雖危色聲脉三者尚有生意兩額不赤心火未焚也聲音不 肺金未養也耳輪不焦腎水未過也據面青者憂疑不决左寸短者。 錢桂附各一錢日進三貼殊難信然能日進三點至七十割庶不死耳 九都初若效後則咽痛熱甚不得不停矣上條乃必死之證而用象五 相安不旋踵而血 斤苦寒之非此亦矯枉過正余親見吐血能進人參者日服二三錢甚 心病非腎病也經回色脉相得者生故許可治病者恍然回是矣予因 乃退面色青形廳氣促交睫即夢遺奄奄一息孫診其脉左寸短弱右 不足關署弦者謀為不遂必因志願高而不、稱其心謀為而不遂其欲 案 按一卷四 仍此益加參亦復吐不半年死又見以參湯送人 六

物物

東宿云金良美年十八患咳嗽吐紅下午潮熱夢遺市醫進四物湯加 不能統血始殆怒氣所觸繼為寒凉之劑所傷以致飲食惡心肌肉瘦削 冬知稻等治半年反加左脇脹疼不能側卧聲音漸啞飲食輛惡心肌肉 乃為定方以人。參聚仁能骨為君丹參石斛貝母麥多五味子為臣山梔 九服三月而精神健肌肉充矣 香附為佐二十貼而病起丸方則人參麥冬五味熟地枸杞龜板茯苓蜜 猶可措手因急用人參二錢鱉甲五錢白术白芍陳皮茯苓通草貝母各 削六脉俱數醫告技窮因就予治觀其面色白又隱隱有清氣夾之兩 倭弱無力予曰此證氣虚血熱而肝脉甚弦弦則木氣太旺脾土受虧 云脾胃一虚肺氣先絕以肺金不足 震按此條辨證甚值所謂是心病非腎病者亦緣脉洪大不細數耳 錢甘草丹皮各七分。桔梗五分。計三十貼而咳嗽潮熱俱減聲音清左 竅故咳嗽聲啞滯于肝葉故左脇不能貼席而卧病熟危矣喜在青年。 則肝木愈無所制濁痰疾血疑於

古 或數或浮或濟改變不常知其脾陰虚而脉失信也脉者血之府脾統 血、枯故改變不常耳用保元湯加北味山藥枸杞白茯人參重用至五錢 脇 周慎癬治一女吐血發熱熱甚而喘用生脉散熱更甚脉或大或小或緊 忌惱怒及勢心勢力之事若勞怒相觸血來必不能禦也此後精神日 **肌體豐肥六年無事一日因結算夢心加以大怒則血如泉湧傾刻盈盆** 此效二十些愈 陰陽乖離矣即辭出未離門而氣絕 唇黑腫汗出林滴急請予診豚亂無偷渠語近侍欲大解子曰此死後 且喘服生脉散熱更甚幾與張飲光之服八味而喘益急貴臣之服參 震按牌陰虚而脉失信亦為脉之不常專一别解耳所難者吐血發熱 怒復發而死可謂不善養生者之鑒戒 震按此條治法亦淺近而講聲暗難側眼頗有妙解且愈已六年因勞 可則後以大造丸調理全安矣因屬之曰病愈雖可喜而發脉未退 今 醫 案 按

與以補脾生肺滋腎水之刻五六貼數脉不減此真之虚而燥也即以前 藥十四五貼或二十貼外當有汗出此陽氣升而經絡通矣汗後即當倦 脾腎二脉洪大此金虚不能生腎水也理宜補肺金生腎水水旺則制 開時病已年半從前苦寒之劑不記數矣此真氣已虚而脉數也經云 則元氣虚數 僧慎柔 温補牌 府那氣欲出發 九日或半月此都退 旺則生水平水木平則牌土盛又生金矣此正治 能 用補 固本丸而反加氣認病情相類矣慎齊指為脾血核故脉改變乃不 面。 云丹徒王盛之年三十餘六脉俱九至外證則咳嗽面赤頗言 周 而重用人參其不因熱之更甚致疑生脉之惧非識 之 則脾氣虚又云數則有熱而屬虚是皆不足之證六脉中 劑 那退而正虚也或十日半月元氣漸復精神開爽 動流行之象也倘不預言恐變證多端患者驚駭 又當痰動血動或發腫毒或作為此數者聽其自來 也乃與約云兹證 力兼到者 自 獨

古今醫案被 副去頭煎服二煎三煎不十副而脉數退去此時虚火一退中氣便寒以 變出腰脇痛時便没主張矣 所奏其魚必虚益見肝腎虚矣令外以鹽熨内服二陳加桃仁延胡改 君子加藍桂五六貼牌氣運動痰飲 成一家而已觀此案即可見其立異鳴高也 蘆根滑石杏仁 故仁通草鈎藤白豆蔻 囑云服二十 貼全愈矣若不 頭煎服二煎三煎之法其辨陰陽寒熱與人不同而專主於溫補亦自 于齒齦上脉細帶數章以弱證治二地二冬等滋陰藥編當不效禁用 附葉天士治一人年二十歲夏月咳嗽時帶血出常發寒熟飲食減身 震按慎柔所著五書專治虚勞其論有第二關第三關之說其樂有去 十貼後當處也其人 此大腸見痰血而痛止復用六君加白芍五味而愈倘不預明此理 瘦口不渴行動時或什地有日輕有日重牙宣嚴腫是起則血膠厚 服十貼已霍然即停藥十月中果發症仍服前 便行歸于腰脇肝腎部分大痛邪

升深抱復發之憂果以霉淫潮蒸縣暖鬱勃遂令諸脉中之氣皆泄絡 意今陰平陽秘以沒全功用藥亦本四時生氣間有客邪標悉惟投輕 緩但既去難追所謂血脱益氣以無形能生有形也必須静形體宣 溢莫能堵徑皆是陽氣動極無制譬諸颶風波濤矣陽和風熄數必漸 治法。 暑濕熱六溫相浸然邪之所凑本氣先虚血附於絡絡凡十五絡傷 心陽下滔腎陰不主、涵蓋素多夢遺上年夏月先有泄鴻繼發疾處雖 分断自上自下。從陰從陽起見為調理是病始於飲酒勞心營氣先傷 天翁治黃公子癆病案曰大凡精血内奪為虚虚不能自復為損但須 震按此係伏暑似乎虚勞故決以後當發應設遇慎齊慎柔不知作 藥而應愈 一郎止冬春兩季按法人夏色脉煩安然裏真未復長夏陽池地 損再損臟真少藏奇經八脉乏氣支持衝任由前而升。 神 血 何

汗多假謂虚也投以象术轉劇喻診時見汗出如慈龍氣水謂曰此證可 喻嘉言治楊季登長女病經閉年餘發熱食少肌削多汗而成療怯醫見 處全在有汗蓋經血內閉止有從皮毛間透出一路以汗亦血也設 散間服 衝脉則熟退經行而汗自止 而血不流則皮毛乾稿而死矣宜用極苦之藥以飲其血入內而下通 夫專於滋陰專於補陽者偏腹平近奚雪實壞 震按先生此論真虚損病之上池水也其方亦虚損病之返萬丹也較 飲食不和用異功散加炒黑神麵炒黑麥芽 若便溏泄溫則停之。 静再為斟酌其清涼治吸熱燥剛補一 樂漸引漸收真其根帶之把握次則調和中土以安穀知味百日安 烘熱蹻維失護督脉無權炎熇 楽 按一人卷四 母晨服一炁丹九 张所能效也乃以能 首九日進三次 日熾胎液日消急急固護大氣 遺證必用桑螵蛸散 四君子湯兼參苓白术 天暑午後服生脉散

淋漓五 蓋陽虚易治陰竭難醫營之盆花泥乾根稿日以一匙之水澆之豈能 等填 温柔如從蓉枸杞覆盆 羊脊髓牛腿骨髓 者殊少郎臨證指南所載 如此案之可用大料苦寒及李士材治 故以苦寒取效但不知脉之數乎大乎有力子。設胀象細數無力。兼見 震按此條見識最高用樂甚巧然幸不咳嗽想其飲食雖少未必大 餘忽覺經血甚至汗熱稍輕好減前九只日進一次又一 便海食減此方其可用予因思生平所見損法證大抵真陰虧損居多 一法惟靈雨嚴索庶可復生夫雨從何來惟地氣上而為雲斯天氣降 把禁膏亦替人所能用多合妥協即可成 人陰而入 日而諸病全寒 血肉有情之品。如河車膠阿膠龜鹿膠海參淡菜等膠猪 及秋石血餘 麋鹿茸凉潤如生地二冬沙冬丹皮女貞梨膏 填陰者有大半以象民合陰樂平補者亦相 乳粉鹿鞭鹿尾之類皆竹破竹流出也 何姓男馬姓女可用大劑熱補 方然而得效者恐亦數 月經 血大至

推人参邻又非盡仗人参此中之機級更一言難罄矣。 嗜食善化則水穀之精華上供於肺 而 為再 可擬諸 地天交泰所以生長萬物 雨此雖老生常談實係養陰要占而欲使脾胃之健旺固 人身之地脾胃是也但得脾 可擬諸雲而肺以其精華下流 胃 首

癆瘵

本 日 予所目見也賴介者與肘後方治鬼在用賴肝一具陰乾杵未服方寸此 師 再掠之良久曰惟畏賴八屑為末 三同一義 事方載宣和問天慶觀法師行考召法極精嚴時 召崇至云非我為禍别是一 一肺為盡食其肺系故令吐 血聲嘶師掠之此蟲還有畏忌否久而 鬼亦因病人 以酒服之則去患家 命衰為崇耳混今已成形在 如其言而愈此 投狀求治病

附慎柔治

古今醫案按一卷四 其唇視有白點日此蟲蝕肺也急鼻賴肝治之不相信果咯膿而發 女子寒熟盗汗咳嗽夢與鬼交沉沉默默不自知所苦因 4

製 因 子同 前有一口周身有足若魚骨細如針尖而曲己 服 三錢酥炙黃色虎粪內骨 取火焚之病勢頓減後 求神為陰助并別具酒 傳即以授應應留 寒凛凛遂成癆瘵之疾垂始傳於次女長子既殁女病命函又傳於 州武節郎李應有男女三人長子買宅久空無人所居入室忽覺心 之大下得蟲七枚色如紅 衣俗士服自稱貧道呼應日團練聞宅 上部下唇有點蟲 證候應大懼每日設麵飯 艦 へ皆夫 之飯辭與之 許同酥塗炙色轉為度如無青蛇腦 蝕 又服 食以犒陰 于此證大凡久敢當視其兩唇若上唇有點蟲 焼肉. 錢人骨為上獸骨次之殺虎 錢不受又 劑得小蟲 長約一十 兵設使者 以齊雲水冀遇異人偶 寸間大 四枚、 上苦傳戶際貧道有 屬應服藥前一 自是遂安其藥用 死以鐵筋劄刺不 位於床榻之前如其言 八分前銳後方腹 只酥炙亦 大腸内取 天須盛亭 往開元寺有 一藥方 能 天 靈

焚葉至無蟲而止此藥如病者未逐可以取安如已亟俟其垂死則令次 子 **鱉甲極大者酥炙黃色一兩九肋者尤妙安息香半兩桃** 箇麝香一 東引桃李柳桑枝 說有五鳳九雷公九紫河車九 傳染者服之可社後患也 之即焚此帛相次須寫必有蟲下如未死以大火焚之並 升水三升煎至一升去渣入前末藥再煎至半升亦去渣 上俱為末另用青蒿取近稍者 用藥切不能今病人 為害也徐氏醫統王氏準絕詳載之并繪蟲形而慎柔五書更後張其 者亦由其人禀賦虚弱氣血衰損 震按傳戶獨古有其名今實未見即 醫 錢俱為細末一八早晨温服 杂 松一卷四 各之並粗如筋大各長之寸細 知日後亦然十餘日後氣體復元再進 天靈蓋散等方及紙糊病人所住 四寸細判六 而致否則風水命運使然並非 以被蓋出汗恐汗内有細蟲以 家之内父子兄弟。透以癆病 兩鼓三百粒落二十 剉] 枫葉二十 仁一箇去皮尖 一另用板 一斤童便 服依 柳 帛 當

先令眷二皆卒 為寒痰作嚴投以附桂而歐尤 於 **楢活。因** 東宿治程道吾令眷夜為夢 百 俱 世 棄于水期絕傳染之患流 服侍者以安息香塗身雄黄塗口 面 難必 醫者契何必崔氏 味神 亦 競為鰻能治療今亦 "時 色青不思穀食日惟啖牛肉脯數塊而已時師屢治 不應朱視之 其效也惟 授散之川椒 取置魚舍多得鰻魚食之病遂愈為漁 稽神志載 脉弦数日 朱 之美四花穴 丹溪治臨海劉兄 家以癆死者數 角力 為傳屍 何曾見其效 及童便酒煨猪腰子。亦可備臨證者之參者 至金山有 輕夜 魔所驚時常量於精 加加 一条證 孫診之左脉弦右 重用倒倉法而愈次 及癸亥夜二更之多腰眼哉 耳目鼻等法多屬附會 人因取繼起 久敷吐 聞棺中啼哭開視之見一 也不易治之。 耶再丹方有石膏 KIG 人之妻馬自此 神忧 發熱消瘦眾以為 脉滑。 病者。置棺 年生子此 無功吳渤 兩 不 味或桃 可 日三五 説 深泥 中 則聖 女 金丁 發 海 tho 而

古今醫案按 半月精神頓異不似前時恍惚矣但小腹左邊一點疼前煎藥中加白芍 不再傳 敗鼓心破皮三錢麝香五分天靈蓋一箇酥炙煉蜜丸雄黃三錢為衣每 兩鹿角膠紫石英石斛各八錢沉香乳香安息香茯苓紫苑牛膝人參各 服半月而無進退乃製太上混元丹用紫河車一具長砂鱉甲犀角各 菖蒲遠志丹參當歸石斛以補養神氣加陳皮貝母甘草紫苑化痰治敢 之劑消息調理俟飲食進胃氣轉始可用正治之法始用參苓栢子仁 錢服之一月精神大好量威再不發矣次年生一女其宅察疾從此亦 兼穿經透絡搜那補虚也 震按此與袁州道士所授方。更奇更好盖彼則專於殺蟲此則殺蟲 更空心慈白湯送下五分三五日服一次與太上渾元丹相兼服纔服 錢麝香五分蜜九赤豆大每早晚鹽湯或酒下三十六九又製霹靂出 丹用牛黄狗寶阿魏安息各一錢虎頭骨五錢啄木鳥一隻賴爪一 1

喻嘉言 神氣交 震按此案箋方釋證直造軒岐之堂後案酌古掛今足分和緩之坐 俾邪崇轉附骨角移從大便而出做上古移精變氣视緣遺事而充 骨牡 傳聞故 和崇之 排 單 崖 他自計曰,非外感也非 大驚大虚之 燭粉鹿 治楊 持亦逼處不安。 次服之果得安寢竟不 不敢明告、喻曰何不查言。即可養愈乃用犀 病也診時 而 絕以薑湯灌至良久方蘇挑燈 子並 角 霜 候法宜 無家難其神情 次女食減肌削多汗診時 人参黄芪等藥合末以羊 問其面色曰時亦時黃問其兼證曰每晚睡去 無順可出故用諸多靈物之 一温補并 内 傷也處汗振掉不宣能 再發相傳以為神 渾 多加茯神聚仁然服十餘劑全不對 似喪敗 侍寝防之亦不能止因恐 之餘此曷故取忽而悟已 見其筋掣肉 肉半動煎取濃汁三盏盡 異蓋宗附於身與 角羚羊角龍齒虎 受補藥而病 形引以羊肉 頭身倦氣怯 無增 壻 此

古今醫案按 嘉言曰此何病也喻曰病名淹洪左傳所謂近女室晦即是此病彼 女又遭室晦故不可為令郎受室晦之邪而未近女是可為也即前 牛黄丸服而安。 能仲舒幼男唇齡得 狀或痛或脹或攻衝乃並不言及將何所憑據而云然耶想良工 曰。常見兩女子服飾華麗其長才三四寸。每緣吾足而行冉冉至腰 附 後安康無悉震按此不載脉何從取法光痰裹米糰在腹 史下一塊挟之乃痰寒一米糧耳當時被驚快快在下而不自覺也自 夫 附黄師文治一婦人 日此食陰物時遭驚也問之婦方省悟日囊者食米糰時忽人報吾 如伯樂相 無錫游氏子少年就於酒色旋得疾久而弗愈勢危甚忽語其家 墜水由此一驚病延至今不能愈黃以青木香丸兼利下藥與之須 馬得之於牝牡驪黃之外耶 一卷四 即病垂三年狀若齊察諸醫以虚損治不瘥黃視 一奇證食飲如常但脉細神呆氣奪色天仲將問 1 似當 如店 因 近 而

者見之震按此可為好淫者之戒夫人生之來其原在腎人病之來 沒家人以為其一名醫至扣之日此腎神也腎氣絕則神不守舍故 多在腎腎者命之根也奈何縱情慾之樂以取死亡之禍予

惡寒

降必多服補血凉血藥乃可否則內外不靜腎水不生附毒必發彼以為 少吐痰一升。減綿衣大半又與防風通聖散去麻黄硝黃加地黄百貼而 丹溪治一壯年惡寒多服附子病甚脉弦而似緩以江茶入薑汁香油些 知其燥熱已多血傷亦深須淡食以養胃內觀以養神則水可升火可

迁果疽發背死

附 南星黄芩酒糊丸股 女子惡寒丹溪用苦參赤小豆各一錢藍水探吐後用川芎蒼木

又治一婦人年五十餘形瘦面黑喜熟惡寒六月兩手脉沉而溫重取 三黄九下以薑湯每三十粒服三十次微汗而安。 似

戴元禮治朱仲文長夏畏寒身挾重續食飲 古 與 他醫授以胡椒製硫日令啖雞三病愈亟元禮日脉數 术黄茂炒黄柏生甘草人參每貼二兩重方與一 言知其病熱深而藥無反佐之過也以前藥炒熱 痒甚脉沉濇重 4 伯仁治 筋陽肉眼視其脉微欲絕以真武湯七八服稍愈服附子八枚而產。 飲服大而弱右關稍實略數重取則過此酒熱內鬱不得外泄由上 老婦形肥肌 下虚心黄芪二兩乾萬一兩煎飲之大汗而愈 形瘦色黑素多酒 貼利止四貼精神回十貼全愈 安米 人七月病發熟或 被 此之謂矣。极發於 厚夏惡寒戰慄喜啖熱御綿多汗已 取稍大知其熱甚而血虚也以四 不困年半百有别館 令服小柴胡湯升發太過多汗亡陽惡寒 日大惡寒發戰自言渴 如火 貼腹大泄目無視 即前蓋借火力為 物湯去芎倍地黄加) 服附子三十餘 方下四微温即區 四十四 不弱劉 渾 邻 無

承氣湯下之晝夜行二十餘頓減續之半復以黃連導爽湯加竹歷飲之 伯以水與之一飲一斗遂蹇此與華元化治一婦人長病經年於十 解衣坐石上取冷水從頭達之彭彭有氣伯玉日熱不可忍乞冷飲嗣 月令坐石槽中平旦汲冷水灌之 諸案或清或下或治察又古語所謂惡寒非寒也要知丹溪元禮之防 甚且脉不微弱也此與東垣治目亦煩渴引飲脉七八至按之則散 震按古云傷寒則惡寒又云惡寒多屬陽虛衛弱故參附送术是正樂 鄉伏熟應須以水發之非冬月不可至十一月寒甚令二人挾捉伯玉 將軍房伯玉服五石散十許劑更忠冷疾夏月常複衣徐嗣伯診之日 無根之火用薑附人多而愈者假寒假熱正可互象至如南史載直閣 風通聖四物黃栢大承氣黃連導痰等方。皆因其人多服熱藥而病益 華不可至八十灌熱氣乃蒸出百灌全方令温床厚覆汗決出 云當滿百至七八灌戰欲死灌者懼

古 内故必於十一月至後乃可行之二公之醫可謂神矣震按醫理變 李時珍日二人所病皆伏火之證素問所謂諸禁鼓慄皆屬於火也治 華公法安能起白骨而肉之那 今 醫 紫 從而逆之疎通道路令氣調和者也春月則陽氣已洩夏秋則陰氣在 法火鬱則發之而二公乃於冬月平旦遠以冷水者冬至後陽氣在 合之病此神與庸之不同也 真無把鼻處諸先哲每云閉藏之月不可發汗而此則必於至後行之 今之齊蘇日發寒熱所謂戶 何相反若是要之善醫者二說各有一定之理不善醫者二說均無恰 發熱 粉而愈一人治法 不極不反是亦發之之意素問所謂正者正治反者反治逆而從 旦亦陽氣方盛時也折之 被一人卷四 相同而華案不載惡寒但云世謂寒熱注病 在蟲主鬼在等類耳今人百治不效若 以寒使熱氣鬱過至極激發而汗 十五 想 120 如2

冬藏不固 氣當伏 當今親家知之夫人 病時 不固其 羅日吾壻果如君言願聞其理羅 羅診其脉浮數而 謙甫 按此論 病消渴至冬添躁熱 母世皮膚使氣亟奪此冬藏之應也令情汗出於閉藏之月野水 道 發燥 何以生木陽氣內絕 治王侍郎 於九泉之下至春發為雷動為風鼓拆萬物此奉生之道也 陽時不勝其熱天地時令尚不能制藥何能為冬乃閉藏之月。 則春生不茂且有 也蓋時令為客人身為主冬三月人皆懼寒獨渠躁熱盗汗 D 熱困倦盗汗濕 為損怯 之情年二十五十 人不以 短濇 病之 須裸 兩寸極小告之口。此危證也治難 疫癘 無所滋榮不死何待因嘆息而去 為然遂易醫至正 透其 祖以冰置胸腋 何以類案不 之災故。 衾 日此非 不 月間 思飲食氣不足以息面 身陰氣亦當伏潛於內不 難 因勞役憂思煩惱飲食失節 收 乃快其脉沉細而疾羅 月果躁熱 知也内經 ス雅 君治韓子玉父六 而卒異 曰主勝逆客 粗 安至春 色青黄 日侍 勝 郎

陽無所附而發於外非火也蓋大熱而甚寒之不寒是無水也當峻補其 薛立齋治州同韓用之年四十六仲夏色終過度煩熱作渴飲水不絕小 補湯四劑方應。 陰遂以加減八味丸料一動内肉桂一兩以水頓煎六碗冰冷與飲半 也大寒而甚熟之不熟是無火也陽氣亦虚矣急以八味一劑服之稍緩 食熟粥二碗諸證悉退翌日畏寒足冷至膝諸證仍至或以為傷寒薛曰非 飲大半睡覺而食温粥一碗復睡至晚又以前藥温飲一碗乃睡至晚 淋歷大便秘結唾痰如湧面目俱赤滿舌生刺兩唇燥裂偏身發熱或 制名曰真強乃孤陽絕陰必死之證也與此條義同 到諸證復退,大便至十三日不通以猪膽導之諸證復作。急用十全大 如芒刺而無定處兩足心如烙以水折之作痛脉洪而無倫此腎陰虚 日人身為主時令為客大寒之令其熱更甚經謂當所勝之令而不能 震按此條與傷寒門顧大有父七十九歲證脉頗同而此不列之傷寒 今 野 第一卷四

瓊而 立 煎頓服 齊又 外假熟也令服十全大補湯雪口服此藥其豚當收飲為善少頃熟睡 目赤露胸氣息沉沉欲絕脉洪大鼓指按之如無古乾如利此内真寒 **青松比熟露胸** 用肉 證叙起即首載頭痛發熟細看自有分曉立齊治法誠而然曰陰虚 惡寒增衣脉頓微細如絲此虚寒之真象也以人參一兩熟附三錢 過去附子加五味早後云無火以八味九一劑則較之前用 兩懂得十分之一矣何先後輕重如此耶且存其說質之高明 云 以 治府痒王以道元氣素弱復以考試積勞於冬月大發熱淚出隨 桂一兩似難於式光前云無水以加減八味料一航所謂加減者 云其情形殊不似傷寒之先發熱而漸見煩渴溺淋舌燥也顧 所叙證先述煩渴引飲溺淋唾痰面赤舌燥而後繼之以 樂調 理而愈 目亦淚絕去乾如利純是火多惟氣息沉沉欲絕是虚 脉復脱乃以参二兩熟附五錢仍愈後以大劑參术 福身發 而 姓

藥月餘益劇其尊君偶思李東垣治肺熱如火燎煩躁引飲而畫風者氣 高果哉治陳幾亭病身熱自卯辰以後上半身熱中酉時中 分熱也宜一味黃芩湯以瀉肺經氣分之火乃按方用片苓壹兩水煎頓 假認矣 時珍自記年二十時因感冒咳嗽既久且犯戒遂病骨蒸發熱膚如火 脉當收飲為養此是格言所當熟記又立齊治七十九歲老人於少 象脉洪大鼓指按之 每日吐痰碗許暑月煩渴寢食幾廢六脉微洪福服於胡麥冬荆瀝諸 異。更宜細參。 震按此案與立藝治法天淵之別故病者如人面之不同千態萬狀 次日身熱盡退而痰嗽皆愈藥中肯於如鼓應棒如此 今 鹤 案 有定形治病者能如以鏡照面使隨其形而呈於鏡則奸姓自别不至 人房後頭痛發熱見諸火象脉洪大無偏按之有力較之此案證同脉 妆一卷四 如無則 可決其内虚寒而外假熱矣服温補藥後 十大 身熟亥子 無

娃 元猶煉丹之火 確 歸 五 法 展轉沉重高診之脉微 必得涼冷之處方能攝住其質故用溼紙搭於確底丹必稳貼矣今依 用溼紙搭於確底 物 丹法治之夫丹家用二个陽成確一盛 就於下也若當歸下之時而能攝住其性不 日夜 下半身熱熱至足底 來矣 味皆補腎滋陰之藥猶水 ンベ 以兩確對合兩 時方服從 制方用童便灸龜板 之熱上下循環者腎火 如升藥之望上而飛也但水 也又用黄栢人 前服整皆積 頻以冷水潤 口扎住鹽泥封固然後城域其上之空確當燒紅 更甚周 無力右尺脉伏而不起因 錢、以 於 銀與井藥也附子 两 之浮游也至子時而足底大熱則腎火 而復 胸 之蓋 熟地枸杞 中 降 始 銀基活雖 而 其火緧確底 F 難 確丹藥 水銀丹藥填塞其中 日一夜循環無間 下。版此藥覺胸 各七錢麥冬五錢萸肉四錢 使上走則熱自無矣須 上入空確又能復 為火久 一錢以從治而尊火 之淫紙 思尺脉沉伏者腎虚 逼則淅淅望空 中易下三 與水也黄昏 服藥久 則空 入舊 而 歸 而 不

孫 見所一 首九微下之 熱除 甚者肝邪實也初治只當通調 東宿治徐三泉令郎每下午發熱直至天明夜熱 大心萋一兩黄連 參术開塞其氣致汗不出而舌胎如沉香色熱之極矣乃以 之火為痰所疑必 孫診之左弦大右 疼以瘧治罔效延及二十餘日熱不 震按此案認為腎虚 餘劑熟益加 合然其講 小价年十六七、發熱於午後醫者以為陰虚用滋陰降火樂三 杂 被 遂痛止熱 且 腹中漸脹面色青白仍以六味地黄湯 理取譽真堪 滑大搏指乃曰。内經云左右者陰陽之道路據脉 勉强作文過思不决木火之性不 三錢半夏二錢加前胡青皮各 退两 歸 貼全安 胎 原。 肝氣 後訓 劑補腎寒因熱用與證極命與脉 退後醫謂為虚熱投以參术痛 斯b 劑可察誤以 更甚。右脇脈痛吸 一錢煎服 得通達鬱而 為瘧燥動其火 ナハ thu 知柘多冬五 小腦 以當 胸 湯 補 收 似

九 亦 其 有 而 腿 味 病· 劑皆濕類熟得濕而益甚矣蓋脾屬土喜燥惡濕今以大蘆薈丸 内 調 消其半 方猶 枝葉枯焦非 大 目 之 藥是 肉 熱 因 按 理 さ 類 病 格陽 内 發 神 可冀 消盡眼 又三十 風温 經。 月。 神 執 高 以滞地四 所謂陰虚。 卽 家 色 有 生 存 癉 虚 可 兩 漸好潘問 以 力 劑 五 神授丹 分。 大局 滞腹 全廖。 血 瘧. 可生今焦枯乃斧斤 面 而 虚 腳 乃曰 腹大 1 則。一發。係 氣 肌膚枯燥 人鬱陽 **网得不大不堅光此熟乃濕熱** 十餘 此 日 如斗。 證非 熱。 何證 用一丸煮猪肉 地 鬱停食傷酒伏痰積飲瘀 種分 因内 死 堅如 纸 孫曰此府積證也誤認為腎虚而 候為用藥者誤耳譬之樹木若根本 如松樹皮奄奄 傷 别若内 經 石飲食大減髮黃成 寒之 所。 傷其枝葉而 謂 因自 類已有風暑濕 熱。 四 病者皆傷 两 陰虚 飼之 根本 骷髏耳孫東宿至 由 十日腹較其半 外如勞倦 牌處所致補、 寒之類也 仍在 穂額 濕熱 也設灌 元ル 風 肥皂。 内 濕 用 渴 滋 係 傷 温 熱 两

古 至冬天寒居密室卧大熱炕而吐 歸身三分黃茂白芍甘草各一錢五味五枚作 傷寒論云太陽傷寒當以麻黃湯發汗而不與之遂成 有。火熱在内上氣不足陽氣外虚當補表之陽氣瀉裏之虚熟夫冬寒衣 東 愈此法相同遂用 肺氣各三分桂枝以補表虚當歸身和血養血各五分麻黃去根節去 寒熱此 寒甘 是重虚其陽表有大寒壅遏裹熱火邪不得舒伸故血出於心憶仲 更多乎得其因又當 垣治一貧者脾胃虚弱氣促精神短少衂血吐血以麥門冬二分人參 經鬱火一係府積似癌非具明眼豈能奏功 今 应 盤問 草補脾胃之虚黃茂實表益衛白芍藥各一錢 證 非可 案 按一卷四 以虚 さ 治者故臨證貴乎細辨也即如孫東宿二案一係 以麻黄桂枝湯人象益上焦元氣而實其表麥門 分其經 而十二 血數次再求治此 經之外又有奇經如陽 一服、 水煎稍熱服 久虚弱外有寒形 五味三枚安其 十九 敏 邻與麻黄湯 維 愈繼 為 病

丹 氣卧時熱服一服而愈 為耳兼灸肺俞二穴在三椎骨下横過各一寸半灸五次而愈 震按 降治肺壅非吐不可精血耗非補不可唯倒倉法二者兼備但使吐 色而多然精神耗少又補塞藥多禁衛不行疾血内積肺氣壅遏不能 係親上 伯仁治一人盛暑出門途中吐 尚 溪治一壯年患嗷而咯血發熱肌瘦醫用補藥數年而病甚脉濇此 藥以治之 為寒東故用法若此體不虚而熱為寒東者又當以麻杏甘膏湯加 震換此案認 公諱克薩吐血成際曾用之亦無效丹溪此案以補藥數年家血内積 非 肺俞灸法今人頗用之然效甚數倒 死盤故以二法奏功 部位經云補上治上制以緩緩則氣味薄也然係久虚之體熱 病制方其義最精樂之分兩甚輕者因受病在衛在肺皆 血 製ロ、 亟還 則吐甚胸拒 倉法無敢用者德清邑军查 痛體熱 頭 因 甘玄 血

東斗 古 血 瘀。血宿積後治暑。即安。 病且始或以為勞心焦思所致與茯苓補心湯仁至診其脉洪而潰曰 也病得之大怒氣逆陰陽奔并飲六鬱湯而愈 涼降火愈甚始謂薛曰童子未室何腎虚之有參茂補氣奚為用之 醉的胃血难過為暑迫血上行先與犀角地黃湯繼以桃仁承氣湯 篇云男子精未滿而御女以通其精則五藏有不滿之處異日有 立齋治一童子年十四發熱吐血薛謂宜補中益氣以滋化源不信用 震按此條為孫東宿二案之祖可以並看 為物所感則易動心動則相火翕然而隨雖不交會其精暗耗矣 丹溪云腎主閉藏肝主疎地一藏俱有相火而其系上屬於心心為 治吐血不止即以吐出之血炒黑與服亦是第一回暴起吐血法 震按上條逐瘀清暑此條開鬱皆治暴病吐血法類案原本載吳芝 巖治薛上舍高沙人 杂 按一人卷四 素無恙縣吐血半缶陳診之曰脉弦急此 干 山 薛

陽燥烈熱則傷肺加之以勞倦傷脾脾為肺母好病而子失其所養女色 再加人參一錢兼服积水九加人多山施以助其脾六味 カロ 汪診之兩手寸關浮軟兩尺獨 身各八分黃檗知母陳皮神麵各七分甘草五分煎服月餘而安 震按上 而增減之以人參二錢或三錢白术白芍麥門冬茯苓各一錢生地當 腎腎為肺子子傷必盗 促 愈觀二公之議論可悟失血之源頭今人一味滋陰清火宜乎不 石 疾遂用補中 黄檗知母白术陳皮麥冬之類治之月餘尺脉稍平。腎熱亦減依前 形瘦而蒼年逾二十 山治 而中止 上條童年發熟吐血此條咳 左比右署小 人形實而黑病效痰少聲斯間或咯血診之右脉大 益氣及地黃丸而差。 忽病咳嗽咯 母氣以自奉而肺 而軟 亦、 ,時 洪 而滑此 中止日 牧聲嘶咯血皆用參术 合補陰樂 血 兼吐黑痰醫用參术之 腎虚火旺而然也遂以四 此 愈虚矣法當從清暑益氣湯。 脾肺肾三經之 地黄丸 病也蓋秋 劑病 無倫 物 愈 而

弱 脉輕 則食易積前疝後再遇勞而發者皆因勞耗其氣氣虚下 疑虚屬氣虚為重也蓋勞則氣耗 服寒凉清肺藥消痰藥至五六 前 震按 以滋其野半 物 路前賴其收 而緩右脉浮軟無力續後三五日 口苦舌乾而常白胎或時喉中 不常血氣虚也譬之虚偽之人朝更夕改全無定准以脉參證其 用參末 年踰四十面色蒼白平 久則麻常畏寒不怕熱前 按閣指重按不足又時或 四物 案 加知縣合兩尺之洪滑白术麥冬合寸關之浮軟妙極至 而病甚後以尺脉稍平仍加人多的非 按一卷四 功於根术丸加人參山梔及地黃丸加黃檗尤見工 年 而 愈 素内外過勞或為食傷則咯硬痰而帶 有 駛或緩或浮或沉或大或小變動無常 頹 斟 而肺傷肺傷 痛或胸膈痛或嗳氣夜食難消或 **疝後有内痔遇勞則發初診左脉 貼聲漸不清而至於啞夜卧不寐** 診心肺二脉浮虚按不應指或時 則聲啞又勞則傷脾 石山 丰 之高 明豈敢 ÚD. 14 虚 於 終

點痛後有過勞惱怒腹中覺有穢氣冲 胸 田 穢氣冲 燥劑乎 復益以宣志丸藥前病漸愈矣且此病屬于 痛也遂用參茂各四錢麥冬歸身貝母各一錢遠志酸棗仁壮皮 能 有 傷於藥之寒涼則聲安得不吸舌安得不胎胎者仲景謂 也且 一時發 而駛曰此土虚木旺也性急多怒肝火時動故左乳下痛者肝氣 年五 八分石菖蒲甘草各五分其他 裏血 熱也夜不寐者由子盗母氣心 牌喜温惡寒而 十一形色蒼白性急語不合則叫號氣喊 者肝火凌脾而逆上也區血者肝被火擾不能藏其血也成 時處或以處治或從痰治或從氣治皆不效汪診之脉皆浮 也胸痛噯氣者氣虚不能健 肺亦惡寒故曰形寒飲冷則傷肺 山查麥芽杜仲隨病出入煎服 虚 上即吸極吐 運故鬱於中 而神不安 燥熱故白术尚不敢 嘔吐 也痰中血 亦 而愛 或乾 日左乳 氣或帶於 以 吹 一絲者由 胃中 已傷 無痰甚 下忽 有寒 之牌 丹 牌 其门 茯 則 肺

古今醫案被一人卷四 地紫苑山桅為臣桑白皮馬兜鈴為佐款冬花歸身甜草慈桔梗甘草 中伏火一、燥肺之津液故病益加乃以天麥門冬阿膠貝母為君知母生 青皮山梔各七分白芍黄芪麥冬各一錢歸身阿膠各七分甘草五味各 使五劑而安。 者金失所養又受火村而然也區吐者脾虚不能運化食骸為灰也 五分白术一錢五分人參三錢煎服月餘諸證悉平。 者水火交戰也茲宜世肝水之實補脾土之虚清肺金之燥庶幾可失以 冲上即城而用人參三錢茂本次之非石山豈能辨此且上條脉較 震按上條聲啞喉痛口苦舌胎而用參送各四錢此條左乳下痛藏氣 痿也平日所服人參清肺飲知母茯苓湯等副皆犯人參半夏一助肺 力。變動不常尚可認為氣處此條脉浮細弦數不以滋腎清肝治更難 婦年五十餘久敷咯膿血日輕夜重汪診之脉皆細濡而清日 Ī 無

繼 **麵陳皮麥冬服十餘貼而安** 加黄茂二錢百部六分是日數止血漸少民而血亦止然便應乃倍象茂 五分於答白芍各一錢甘草九分牡丹皮八分加茅根小洩脉弦快稍減 今陰處之病已退再用也温養其脚胃則病根去矣遂以四君子湯加 篁南治其弟患败血初一二劑用知具二冬歸芍清肺之劑夜加脇 悉減又覺胸腹痞滿惡心畏食或時糞溏診之脉皆緩弱無復駛矣曰 而駛。每數則有血大便應一日三更衣以人參三錢白术紫苑各一 人形色蒼白年三十餘咳嗽咯血聲啞夜熟自汗汪診之脉濡細 用人參一錢五分脇疼減後加參至二錢在脉近大而快右晷飲少帶 日此得之色然也遂以四物加麥冬紫苑阿勝黃柏知母三十餘貼諸 近來 震按 此種病極多此種藥效者殊少 原非執守一法但下條用滋陰凉樂竟得脉緩不數始有天幸馬 山治血證多用參水而此條及下條前半段治治如出兩人 而 神 疼 近 可

术山縣陳皮甘草改仁白芍等縣東與健脾丸而愈 震按此案純做石山治法。

肝甚則區血并下洩胸背脹痛疾血使然脾為大肉所傷故不能統血 滑有力、日此肝脾二 故發熱而渴醫者用滋 孫東宿治城六老上吐 地黄知有等劑是以脾益傷而上焦瘀血愈滞也即與山查香附枳實 氣消導為君丹參丹皮桃仁滑石茅根化於血為臣黃連蘆根解犬肉 既不同午後潮熱夜半而退與今之晝夜常熟者亦不 經有餘證也作陰虚治左矣陰虚者脉數無力令之 陰降火藥胸背愈脹 血下河血胸 膈背心皆脹原從怒觸 血來更多務診之兩關俱 同也經云怒傷 又犬肉所 洪 傷

熟為佐四貼胸背寬吐血 臭黑養而全安 止惟腹中不舒仍以前藥同保和丸與之

古 奄奄而卧署不敢動稍動即嘔吐而血隨出色鮮紅飲食湯水皆不敢 今 姪明之作文過勞痰火上逆大吐痰沫因而區血一涌數碗昏暈汗出 壁町 楽 被 一卷四 T

削 即 軍 云怒 其 外 文 暑竟合左脉之牧大 似 錢甘草五分四貼全安 勞心 止 痰 按 為暑氣所迎故吐。 非 無佳兆孫診之曰無妨凡看證要圓活勿拘泛經 吐 飲 食進眩暈每已繼用滑 而眩暈 陰虚况惱 風掉胶皆屬 則氣上又云脉虚身熱得之傷暑今在脉弦大右脉虚大是不 動 稍動即吐 抑其衝逆則吐 胸 火山亦被 背 血 怒食犬亦 皆脹服陰藥脹 訓 而血隨至熟殊危矣况右脉虚大不認為虚而認 於肝諸嘔吐 隨之醫者皆曰血 大副清暑清活真妙手也 而汗多血臨此 可止吐 可 問 石香始各三錢黃連扁豆各 抑又為暑所逼以 止 更甚合以两 逆皆屬千火又諸動 而 氣平 知 之。 出也先以白 如湧泉體熱脉大眩量 此條 血自歸經服後 關脉 因 作文 致木火 2 九子三錢解其暑氣 過紫 洪 屬火 云 果嗒 沿有 心主血 L 内為 升眩暈作 MOR 方高易 然而睡 手而樂食 錢 迎 肝藏 數 五 木。 碗 為 獨 辨 醒 面 華往 各

古 六君子納參一兩乾薑一錢木香八分四日而血止後因怒血復大作。余 李士材口尚寶卿 十全大補湯百餘日而康 熟熟甚而此血陰傷之甚也以四物湯加鬱金桃仁穿山甲大黄少許下 見矣。果如期而殁。 日、先與平肝繼當大補然夏得秋脉所謂早見非時之脉當其時不能 規肉者三四升腹痛 血 宗伯董元军有少妥吐血然敗先用清火繼用補中俱不見效士材 回兩尺沉實少腹按之必痛詢之果然此怒後畜血經年来去乃為 震按吐血甚多其因由於鬱且然則肝脾受傷久矣重用人象佐辛熱 大作。更何法可治其死無疑矣 以從治可謂技進乎道者也若解鬱平肝。血豈能止然血止後因怒復 升餘少腹痛仍在更以前藥加大黃三錢煎服又下血 経門 安木 按一人卷四 須日華林 乃止虚倦異常與獨參湯飲之三日而熟減六七 下多鬱。且有暴怒吐 血甚多倦怠異常余 干四 黑塊 如桃

血 二錢黃昏與服竟得大睡直至四鼓復進之而嘔止血亦止又服此方數 景岳治便孝廉素以攻苦思慮傷脾時有嘔吐之證過勞即發用理陰煎 乃復加附子炮薑各二錢人參熟地各一兩白木四錢炙甘草一 兼之暑令二火相濟所以致此與犀角地黃童便 而證非二火再用寒涼脾必敗而死矣。 而健 草四味大劑與之初服毫不為動次服覺過惡少止而脉中 愈甚、肤益緊數困憊垂危追景岳往視形數俱劇乃以人參熟地乾薑 胃飲之屬隨飲即愈一日於暑末時因連日交際致勞心牌遂上為吐 震按此與生生子族姓之病病因同現證及時令又同而一用寒流 下為世血俱大如手片或紫或紅甚多可畏醫云此因勞而火起心脾 震按兩尺沉電決其少腹有務因瘀而然熟因然熱而吐血蓋從脉勢 認得病根故大下而病根去去後峻補 如故盖此人以勞倦傷脾胃陽虚氣有不攝所以動血時當 不用養陰更妙。 知母之屬藥及兩劑其 微有生意 錢茯苓

古 氣轉丹田尚可緩圖因濃煎人參湯 湯灶熱如蒸頭筋粗賣診其脉尺中甚亂曰此昨晚大犯房勢也因出 喻嘉言治一人素有失血病晨起陡暴一 震按參湯下黑錫丹以治吐血可補古法所未備然繼以阿廖而大 再繼以秋石補腎藥而全愈恐未必。 少腹頃之舌柔能言但聲不出急用潤下之 石服之遂愈 溶化分三 前 色如太陽之紅再之寢所謂曰少陰之脉繫古本少陰者腎也今腎家 緊脉不同孫案未曾以藥嘗試張案用寒凉而病益甚亦有不同也臨 證者在乎細心 用 沟湧而出舌本已硬無法可救不得已用丸藥 温補水火之孙皆得收功自非神 経四 杂 次熟版半日服盡身熱漸退頸筋漸消進粥與補腎藥多 按一人卷四 體察也 下里錫 手不能但孫脉左弦大右虚大 17, 丹三十粒 傾血一 劑以繼前藥遂與阿膠 盆喉間氣壅神思飄 一服鎮安元氣若得。 喉間汨汨有聲漸 王五 加 與

象其 逆 血為 以醉館 以繁逼痛楚甚至攻 叹 竟成熟路矣夫 飲館傷胃胃家多氣 失 促、夜 李夏去血無算然 炎 見效、 血成法用 顧 致喘急胃之氣傳 醉飽所阻不能與他經 血大動精者血之所化也灌輸原不止胃之一經獨此一 多咳嗽喉問室塞胸前緊逼背後刺脹躁急多怒醫以 枚 及服 先年二十餘歲體 達 房而得之蓋人身。氣動則血 則 酒研三七則血 之月餘逾 胸 胃之脉從 腹 色不憔悴身 必致痛悶胃氣上奔嘔逆横決則胸 入於背以背為胸之府也其心煩多怒者。 多血故内 增其勢更醫用滋 頭 肥嗜 小腸膀胱等處 走足本 緝續於不息之 止咳定但 雖漸、 酒孟 不消瘦脉 下行也以嘔血 虧而、 夏患失 未久 動而構精味之氣有乾坤鼓 外猶未覺揆其致此之繇又 陰膏子潤上牛膝黄葉導下 不 亦本下行也以屢吸之 途是以開此脱血一 血復至咳復增喻可是病 洪盛 血 證每晚去血 亦 之故逆而上行則 無寒熟 中 一一支通 人参阿 但苦上氣 以胃之 經所動 銮 故。 延

古 食每日食粥一碗反飲滚酒數盃次日清晨再食粥前粥盡行吐 用元明粉化水煮黄檗秋石化水煮知母少加甘草以調其苦四割而 積熟合婦其處不治其熟血必不止惟遵内 長夏土、旺以形盡傳於子至三秋燥金司令咳敗喘滿之患必增肺癰 應之變必來矣今歲少陰司天運氣熱也炎夏酷暑時令熱也而與胃中 言也 惜病家不終其用八月中果生肺癰而死 為膈内 慎癬治陳姓人年三十五歲性嗜酒色忽患吐 絡貫編絡肺其膈間緊逼肺間 今醫案 按一卷四 亦惟 附會之極矣士材先生云熟讀而精靈自然思沒而神鬼可通誠哉 震按此案議病制方。夏絕 熟於內經而善於運用則引集經義證合病機頭頭是道無勉 所謂血逆於膈之上氣逆於膈之 人寰豈西昌真有隔垣之見 氣脹疾膠何莫非胃病之。 經熱淫血溢治以鹹 血一日三五次不思飲 デス 如長桑元化哉 一出。 後 强 白白 心

用 汉 藥專 苓甘草胡 蓋 八分遂静 血 君 腹脹 又兼怒氣傷肝。 脹飲液酒客 味加 被 從 子湯白术以蒼木製之 上吐 兩 無疑宜 並 在扶陽積血 時時作痛作酸 業認病 人參炮 百 無言及是積 年 定後 約六七碗 椒 pto 丁香各 陳壁土 四 有卓 薑而 胸 宜。 肝 中問 因陰寒凝結陽旺 積血 利 見用藥有 胸 五 糾 書直夜 四 但 血者俱言不 高 錢 中 雨 脾胃大虚不使陽氣升發陰寒何由 之證也蓋酒是邪陽 血 臍 思 紅辛 同煎待土 加丁香温 思慮傷脾即不統血。 不 商し、 下 眠飲液 手 火 妙解與諸吐 四錢共末空心清鹽湯或酒送下 魚而昏用茯苓補心湯。一 足 可治 化 逆冷不 、而 胃草蔻治中脫痛三十 酒 陰自化服藥後。 切片陳皮去白草蔻 周 數 診 盃 血 之六 色亦 暑 治 中 可來日 事急煎人 去 氣大虚。 那陽 脉 絕不 短 血 那 亦 從 相 血 陽勝 E 如 劑 参五 脚 餘點 而 北 参白 因在 而安 消。 歸 則 後 近 先 終 再 後 炮炮 血 用 用 積 月

古 腹中煮、水蛋藥蜜丸盡劑而血不 累累紫黑血塊數日乃盡後 石 年喜酒員氣嘗與人關很所致與澤木處衙湯加生藕汁調服大便即下 今 震按自汗喘乏脉弦大而虚不混投地黄湯生脉散高矣用補血湯者 與真陽無損然如燈火本明而於燈下另添一火以逼之此火新 周子用熱童便二升而止石預診其脉弦大而虚自汗喘乏至夜 燈火漸減理更可怕故凡中年之後多病之人必以閉關為福尤 碩治牙行陶震涵子傷勞效敢失血勢如泉涌服生地汁墨汁不止門 然不起総念為大福也 息真陽始盆然火頻起頻息真陽必漸用漸衰或然起而勿遂其怨 止 後得吐反脹當治其脹耳案中 酒為助自覺陽强可喜 金與當歸補 野四 楽 按一人老四 血 湯 四 貼而熱除時覺左脇刺痛按之漉漉有聲此少 與四鳥鰂骨一震如為末分四服入黄北 不知仍靠命門真陽作主追然旣遂而邪陽 復來 邪陽勝 則正陽衰至言也儿人逞 主 則 ハイ HEO 煩 雞 泊 則 似人

補益最為得法 夜間煩擾不宣耳至因脇痛想及關視則此人形色必此實故 消

病從火發豈可 進而 大虚證得平至此非 泄醫用 出 防將來因定朝進加減 止繼用歸牌湯及加減八味飲子諸證漸愈時 士宗曰、友孫子度姪女、適張氏病半產咳吸吐 而 復來招 無入病有 迫於外論强服之逾月病 理氣降火 往 用 謂陽虚陰必走也曹氏必用方云若服生地藕 視 進而無退事不可為也未幾果殁仁齊直指云榮氣虚 熱樂遂更 之回敗矣臟 止 冬术 血藥益 八味丸晡 進清肺 之力不能今尚有微 甚予投 大發 腑 為寒凉所逼禁衛旣傷水火俱竭 凉血之 進加減歸牌湯未幾遇粗工說曰 血 理中湯 至如湧或紫或 副病者覺胃脫愈煩惋飲 力口 牧夜 鼓峯適從 血脉數而嗇色白。 香當歸倍用 熱時作急宜温 黑或鮮紅 湖上來視 汁竹笳等 參木 胃 脉 食 血 满

人誤解滋陰二字便能殺人光粗

工并不識此隨手撮

古 樂漫以清火 **这术亦有效有不效蓋大氣無形與營氣衛氣宗氣** 别 六 震按吐血 知而欲明夫氣從何生血從何化不亦難光操力使割百無一生有仁 木血肉 型 地 犯三因亦成他病不至吐血大氣衰不能擔護如提薄則水易海堤坍 淫之邪動 少者願於此城少遇意也數 飢疾行皆使失血然尚可求其因而治之若與諸項並不相犯無端 水必决也世人只守血熱安行一說誤矣請觀此器可以猛省 殿西 人腸胃 血。 山崩之患而水 幸 按一人老四 此則最重內經謂地居太虚之中。大氣舉之也大氣偶逐 為辨不知此、 補所能補曾見大啖肉飯俄頃。血一 一證近日最多有有因而 血猶輕 利 如刀 内 鋸 不安灘或溢或竭人身亦然大氣厚足以包固 因酒 如此 何火也而可清乎所 色憂懷 可畏哉夫 動 患之者亦有 血為 血脱蓝氣猶是 重及不內外四作祭舉重 用 湧而死者又見日日 藥味 無因而患之者 中氣 視 粗 浅之理 又 不同 非 但 草 服 因

復閱賢愚因緣經見菩薩視身命如敢風而畏死之念溪然冰釋淫然 之夢絕不復作矣從此泰然自得自無惱怒自不躁急惟戒煙酒畏色 番境界順忘所苦父母見予形落。命媳分房别寢并得焚香持誦梵嗅 有吾此身非吾又閱六祖壇經大悟為善之道為善則身雖死性仍不 如鄉二年而諸病處三年而免女育情乎半途畫處毀棄前功今届中 死乃廣求感應篇陰隱文了凡四訓功過格諸書實力遵行竟別有 死之念而未由也一友勤閱内典遂取楞嚴經潛心探索久之覺吾自 有垂白之高堂下無襁褓之童私於是憂病畏死苦不可言欲卻其畏 早犯褚氏之戒十四五歲即患夢遗咯血二十四歲更劇咳痰必帶血 虚無真氣從之精神内守病安從來此無形之大樂也予幼年鑿竅太 善養性修鬼庶可挽回造化古德云命自我作福自己我內經云恬淡 参而血仍頻發以死者此皆宿世之業緣以致今生之惡疾惟積德行 月夢遺十餘次遂咳嗽夜熱喉痒火升觀紅背痛自分死矣爾時上

3 請嘗試之 嘉於人於已兩無所益也但幸免夭抗敢不舉以告世惟願惠斯 震又按緣仲滔治吐血三款舉世奉為明訓實未細繹其義首條云宜 宜 行血不宜止 須看其血證之新久與失血之多少 消或 貴於虚實寒熟辨得以斯於補為温清拿得稳耳本文公止之則血 血 須止之古方花蕊 致 下於脱血之後也今本文不 凝 血 則、 **駐西 安东** 凝 補尚可緩高任其吐而不 近日有多服 則發熱應食而 病陰竭則死無可奈何也次條宜補肝不宜伐肝註調養肝則 耶果係 被 卷四 血固是然行血之藥惟有大黃所謂血以下行為順也 血凝 石散十 山羊血而死者安知不恨於此句至 病 則仲景大黃盛蟲丸尚可救之祇慮血去無算 日痼 灰散及童便墨汁等皆欲其止 抑思今之吐血者每 註 思所以止之何從求活特是止血之 明行血者何樂但云行血 而去取之蓋宜下於忘行之初 多發熱惡食何當 如 也止 血來沟湧必 則血循 之後或

得其 為 抑青丸龍膽 看 氣 麥冬誠應訶責若將二物 沙 藥 應夢散中 抑 補 成 引 其 味九黑錫丹野陰虚不能 多實者少熟者多寒者少惟特 脉 平 桑若 道 而 癆病随將假 至不 所 肝清肝宜 肝之藥則認矣末條宜降氣夫氣有虚實亦分寒熱 則伐之 血 以不降之故 有所歸 何肝陰 道 氣虚而不降則 降火 漓 降氣又宜降火矣他如肺 帥 肝湯醋製大黃桃仁积殼青鉛 之 所 固宜養肝湯 伐之則肝虚不能藏 阿勝售 句。 以補 而 醫中 治 四 之不得其道而 屏棄豈非 人以代二物。 之 納氣 校 斯 君子多橋煎腎陽虚 為 亦。 繪者籍為 降爲可恃並汁 宜 而不降則 强善怒之人。肝氣實而吐 一制設 因噎廢食况予生平所見 血血血 徒 遇木火 氣虚而不降則生脉散 12 知 大補陰 愈不 實 奉熟地當歸英肉枸杞等。 世之一見 鐵絲 軟 稱吐 止此說誠妙然亦 蘇子酱降 不能納氣 两 亢 九三才封髓 水等何嘗禁用 血 血 血 服 血 隨氣逆者 證 診之氣 香為 血 槐 生地麥冬 而 不 血溢 用生 往 往 觀 丹 降。 地 虚 氣 蓋 有 則 要 必 則

虚也心虚則不能司其血故逆而安行法當養心仍補脾實其子子實 項彦章治一婦患歐三年許醫以血得熱則淖溢服為心涼血之劑益困 行為匈匈必數升餘面赤水躁疾神民民如慶醫者猶以上盛下虚丹 墜之的仁日經云上者下之今血氣與底溢而上行法當下導奈何實 耶即與桃仁承氣湯三四下。積於去繼版既濟湯二十割而 總數滴輕昏六旅微弱寸為甚曰肝藏血而心主之今寸心水微知 伯仁治 宜降火或不宜降火總無一定之法也若調服苦寒樂必死則仲景金 謂陽虚陰必走及曹氏必用方之計算乾薑湯趙氏終雪 匱之寫心湯不幾為罪之魁哉 者百中一二而已惟虚而有火者清補並用虚而無火者氣血兼補或 家之人合乎丹溪所謂陽威陰處有升無降者十居八九合乎仁齊所 道段 壁画 如 茶 婦體肥而氣盛自以無子當多服媛宫藥積久火盛迫血 松一卷四 一件書之 愈 桂附

躁言語 胃 不虚 以 石 机 易數醫皆用寒苦之 止越數 四 东 山 寒也意料 世 **越熟也熟而寒之** 治 牌 美以 物湯加麥冬阿膠桑 則胃虚虚則禁氣不能滋禁百脉元氣不循天度氣隨陰化而 不 可不慎也被惟 問人之 無聲口 日其疾復作醫又 人形魁偉色黑善飲 琥 膏梁嗜飲常病 工嘻嘻以 F白 所以 諸 氣臭穢恶吸 補 為 理也 心藥遂 劑俱欲勝其熱 為 知見血。 白皮 者今火。 白藥不 可治熱病 班醫司 冷風其歐之 黄縣 為熱而以苦寒攻之。 年五十 愈而反害之 、勝病故 傾危 為。 知母 病而為其土 未已寒病復起此 而已 諸見 餘病飯 據此法不救所幸。 進之 餘波 飲 也遂投黃連 血者為熱以清凉飲 食起居浸不 何那内經 如注喘 則未 愈甚診之脉大如指脉 抑不。 絕 嘗除。 啾 7 也或 解 目 喘 謂也 ンパ 及初肌寒 毒湯 不能 平為期 日路諸 而土 子投 伏 病 或 血 而

甘 是也月餘面目耳傍果作雞瘡而立後見 震按流涕鼻穢即鼻淵之靈何以斷其必死要之脉濡滑而 擾流涕不休經 罔有效者診之脉濡而滑按皆 苦寒四條脉形是熱而實由氣處同如此臨證者不 寒凉降火 則頭面諸陽之液因以 滑脉類數仲 休鼻機難近漸至目昏耳重食體倦醫用 形近肥而脆年三十餘內有題之月間因勞感熱鼻與久而 以上四案首條是實熱次然心 术茯苓陳皮神麵麥冬歸自温之藥進之一 乃肺氣虚也此 景所云數脉不時則生惡瘡也脉無力者石山必 云肺熱甚則出涕是也金體本燥津 走 泄經二枯恐不能流通逆於肉裏乃生 無治病 **杨若補其肺氣之虚則火** 牌兩處三條病因 流涕者數 不起矣初 四 物凉血或用 貼病 因 液 人多不救 न H 是熱而 不制 細 减十貼病 泄 自退 辨光 則燥者 無力。 火肺 參茂 矣醫 背賢 過 用參 愈 用

上。乘載血子上得寒凉之藥轉傷胃中清陽之氣所以脉變弦感與生 味加五味子作湯另用肉桂末三錢飛羅麵糊分三丸用煎藥調下南 候其血順止少頃口鼻去血塊數枚而愈自此數年之患終不再發 栗石膏山柜之 聖卿鼻匈如崩三日不止較之向來所發之勢最劇服犀角地黃芩連 徐德古治一人患的尤急炎項後髮際兩筋問宛宛中。二出立止蓋 於肉裏為是病之指歸魏注云用滋水生肝養肺藥誠住 茂今參茂 因效無路可尋矣况流涕不休定然枯溢故 不休者恐亦難效 係導火歸元也 而衰非補之不可震按此二條相同但微有不同者一係温補元 騰注鼻中常人以綿勒頸後尚可止敏此灸宜效震按是乃截 **衂血不已醫皆以為熟沈宗常投以參附而愈人該問之曰脉** 屬轉盛第四日邀石預診之脉花急如循刀外此陰火 以營氣不從逆 然以治流涕 血

羅謙南治真定總管史候男年四十餘收體本瘦弱子至元年已因秋收 東垣治一人宿有陽明血證因五月大熱與各腸游下血唧透散浸如節 防風各五分歸身葛根各三分桂少許作二服 樂一錢五分,升麻卷治黃送各一錢生熟地黃獨活牡丹度奏甘草柴胡 腰沉沉然腹中不和血色黑紫病各經毒腸病陽明少陽經血盜也以芍 今醫業故一多老四 蘿蔔汁和無灰酒飲之立止復發用人中白新到希置瓦上烙乾温 其血之來路也與減紙搭額門者同義若即村最数官鄉道人数以生 之降沈他加桂少許好風熏日慶不特血此胃氣亦旺矣 震按腰沉沉然腹中不和濕也與色素黑濕兼熱也方中用風樂以勝 調下又也是皆偶合一時之病機並非諸級之定法 不用涼藥以清熱都欲其行春生升發之今使血不下起無取苦寒 校攜貼顏頗再以海巴燒存性吹鼻二三次能州民季七八日 北京

证: 食羊肉 各 血 參當歸 病陰 壯乃胃寡穴 有順 句 胃生 愈仍 截地 榆 平胃地榆湯此藥温中 升 便 發元氣此穴 又以選少丹服之則喜飲 氣內結 致 燥 後 再結二升三結三升又 人條證 神妙的為樂各三 見血 欲 味吸 51 分陳皮厚樸白术乾薑白茯苓 国 食則區 %I 水陽 得外行。無所真容陽間故 問上 卧雅珍之 不欲飲勉 乃胃之合穴也改服芳香之割良愈 辨 升滋榮百脉 殿形體 鸣 腹 一脉较細而微遲手足 可感 散寒除濕 福醫 分石十六味作 Zo **⑥瘦面** 称 食添肌肉 諸見血 在五臟 甚疑難炒在 炎氣海百 和胃數服病減 色青黄不泽心 者為熱用 使。血。 至春再灸三里二七壮 則 浦 陰 乾萬各五 一服加薑妻煎温服 餘壮 一脉不 也 稍冷内 方升温 以管术升麻熟附 大半仍灸中院 和 下搖惡令物 芍藥縣皮 發 一級夜日 分甘 而血留之結 图。 元泉 日結陰者。 通術 1年 经 九治 食前 乾 强 隆 仁

古今醫案按一卷四 月愈。 丹溪治一老婦性沉多怒大便下血十餘年食成形困心搖動或如烟薰 虞恒德治一男子四十餘素飲酒無度得大便下血證一日如則二三次 早起面微浮。或暫止則神思清、忤意則復作百法不治、脉左浮大虚 澤寫黄茂酒芍藥每貼加附子一片煎服四貼後血止去附加乾萬丹皮 施子而烟薰除乃去所加藥再加砂仁炒麵熟地黄木香倍多茂水服半 不歸隧道以壯牌藥為君二陳湯加紅花升麻歸身酒黃連青皮貝母 取滯潘而不与右沉潘細弱寸沉欲絕此氣鬱生延延鬱胸中心氣 重合宜的屬東垣高弟 愈仙乎仙子。 經水壅遏不降心血絕不能自養故也非開延不足以行氣非氣升則 震按此條水證似虚似實非寒非熱較之羅案難辨多矣及觀其講 源與用藥法及藥之輕重去取俱有精義又極平和十年之病半月而

每 思心煩熱渴吐血 胃被不信仍服之日加倦怠面色萎黄又用四物芩連丹皮之類飲食 李士材治學憲黃貞父患腸風久用四物湯芩連 能攝血不用四君芎歸補中益氣之類吾未見其生者 次便血 婦但怒必便血寒熱口苦或胸脇脹痛或小腹痞悶薛曰此怒動肝 男子每怒必便血或吐血即服犀角地黄湯之類薛立齊日當調 止自是不發 震按此條是吐血 震按核斗燒风未為巧灸谷中對臍 用六君子加柴胡山梔而愈用補中益氣加味逍遥二藥乃不 碗以四物湯加條芩防風荆芥白芷槐花等藥連日服之不 **灰二錢七分調入** 如湧竟至不起此證久服寒涼損胃必致恨人其牌虚 便血正理正法 前樂汁内服之又灸谷中對臍 一穴殊巧。 槐花之屬屢發不上 理牌

而愈 頗黃診其依惟脾部浮而緩此土虚而風濕交乘也遂用養术三錢 多黄茂升麻柴胡防風各一錢四劑而血止改服十全大補湯調

震按此條是從李羅二案祭合為治

芥各五銭為末煉蜜丸外以四物湯加浦黃各一兩為衣空心午後各以 米湯下二錢果血止而大便不燥飲食日加矣 木耳二兩槐花三兩都李仁皂角子象牙屑條答各一兩血餘灰 孫東宿治新市陳鹿塘有陽風臟毒之證大便燥結數日不能一行痛苦 殊甚百醫不效其水兩寸皆數兩關皆弦而無力兩尺洪滑而左尤甚然 東垣謂大腸喜清而惡熱脾胃喜温而惡寒以胃屬土而大腸屬金也 藥化而君藥始見亦假途滅號之策也因以大黃酒浸九熱九晒二 此乃胃寒陽熱之證當以腸風臟毒之藥為君主外以養血之 不傷胃氣蓋藥先入胃而後傳入大腸入胃時裏藥未化及入大腸 升麻 啊

今 盤四 安宋

被一人を四

三五

情法當下而除其根也龍山口三年間便血雖一日二三下而月況之 葉蒂水煎夜服 再造古人治痢必先下之亦此意也即用桃仁承氣湯加丹參五靈脂荷 不爽每行且五日何尚有感血停蓄耶孫曰此予因其日下月至而知其 積於經隧前因右脉漏關難憑故以升提兼補兼澀以採虚實耳今得病 月被自喜病愈矣偶因勞而血復下又索煎藥孫曰夫人之病必有於 因 又 有疾血停蓄也經云不塞不流不行不止今之 血 治董宗伯公子龍山夫人即憲副茅鹿門公女年三十五病便血日 非 震按裹樂法以治腸 下腹不疼醫治三年不效孫診之左脉沉濇右脉漏 復用下劑又下黑麥如前者半乃以補中益氣湯多苓白木散 既久下且用補中益氣湯加阿勝地榆側拍葉服八劑血不下者半 比走經絡及他臟 五 更下黑瘀血半桶其日血竟不來乃以理與藥養之 臉必由脾胃轉送也 風便燥頗相宜。 一蓋裹藥晒使堅乾誠可傳入大腸 疾實由塞之行也不 出關外診不應病 期 可

問診脉左手沉細右手豁大此因内傷寒凉太過致陽不鼓故右脉沉細 周慎縣治一人患腸風血大下不止頭量倒地三四年不愈皆曰不可治 烏一兩醋麵糊九空心服愈 血 全愈 今 醫 案 按一人卷四 附洛陽一女子年十七耽飲無度多食魚城蓄毒在藏日夜二三十次 震按便如日二三下已三年之久而敢用逐奏下職非有確見不可浸 稍服熱樂則腹愈痛血愈下稍服凉樂則泄注氣羸粥食愈減服温 藥則益甚蓋腸風有血無腹也如此半年氣血漸弱食漸減肌肉漸 大便與膿血雜下大腸肛門痛不堪任醫以止血痢藥不效又以腸 得其宜神應無比。 震按此九名烏利丸恰與職連九為對待之方。一熱一寒利如裘息用 不。歸絡火浮於中故尺脉點大用補中益氣湯十點再用荆芥四兩 芸五

湯以醋炒升麻歸身而血止半月後偶食青菜腐湯血復下。襲請寒濕 傷脾用蒼木理中湯逐愈十月中值府考閱卷過紫血 丙申三月漸劇食波面黃形瘦精神衰弱無錫龍商年兄用補中蓝氣 得便血證初用天主補心丹及玉女煎知檗地黄丸等方屡愈屡發至 嘉與府尊王竺廬公祖辦事勤敏凡条讀書禀靡不親閱手裁積勞而 榆各炒成炭取酸苦合固潘可熄風堅陰也皆從人參轉皮散化出 烏梅炒粳米取甘酸合固濇使陽明主闔也或佐以與肉五味黄檗地 痼病邪也葉案有用餘糧石脂者亦主固潘下焦或佐以人參木瓜 物雞魚蒜等震按此方治久病則可治暴病則不可以補為之藥恐留 飲酒過度換熱下利膿血疼痛多日不差轉根白皮人參各二兩為未 二錢七空心温酒調下不飲酒以温米飲下忌油膩濕麵青菜果子甜 樂則如不知將期歲醫告術窮待斃而已或教服人 服知二服減三服膿血皆定不十服而愈乃求其方云治大腸風虚 参樗皮散設試う ス大發襲

痛次日尿痛熱甚仍用加味逍遙散加龍胆草并歸脾湯將愈因飲食所 年矣此前樂復傷脾胃元氣下陷而不能攝血也蓋病久鬱結傷脾 薑各七分地榆炭八分,烏梅大東各二枚一劑而血止遞加送木熟地。 稍愈惟頭痛此陽氣虚用補中益氣加蔓荆子而痊後鬱怒小腹内 立藍治 脉弦勁帶數腹脹不思食易怒進加味逍遙散 再去地榆文蛤佐以附子。而穀納漸增病遂全愈斯真得力於景岳都 薦胡灝軒先生來毅然日歸牌須合右歸重用人參則效定方人參五 湯轉加口乾咳嗽佐以阿勝熟地又邁寫腸鳴不食困憊難支值撫憲 仍作徹夜不寐怔忡不盗此膽血尚虚用前湯而 溺 山藥三錢枸杞莲絲棗仁各四歲茯神白芍文蛤炒各錢半。炙草炮 **姓**四 尿血久 案 按一人卷四 用寒凉止血藥面色萎黃肢體倦怠飲食不甘明熱作渴 小便血因怒氣寒熱或頭痛或脇脹用加味逍遙散 應改用桃花散歸 愈


東垣治一人二月天氣陰雨寒澄又因飲食失節勞役所傷病解之後汗 養肝血不月諸證漸愈三月而痊 補中益氣以補元氣用歸牌湯以解脾鬱使血歸經更用加味逍遙以調 七二味多服若阻塞不通并可加冬葵子生蒲黄以化之若多怒人有 黄丸四味鹿茸丸等方然用至此種藥小愈仍復發者多不松子選二 案又恐人止祖於屬熱治法故取立廳以療庸淺之通病 補中益氣的用或老年及久病人始雖熱腦久變虚寒并可用八味地 肝家鬱火者龍膽為肝湯甚則當歸龍奮丸惟久而不止則為虛歸脾 夏月有感暑熱者六一散加黃連生地若少年有血虚挾疾者阿勝三 脉洪數無力宜生地歸芍梔芩牛膝麥冬黃連等調髮灰或茅根汁若 数有力宜尊赤散加梔芩淡竹葉鮮小節調滑石末冲生鶇汁虚熱則 震按内經謂胞移熱於膀胱則弱血故弱血證屬熱者多實熱則脉洪

古今醫 煎服即愈 本。温腎為標用參送山藥補脾陰固表扶肺稍加桂温之而愈。 慎產治 胃中陰火戲感與天雨之溪氣相合淫熱太甚則汗出不休兼見風化 出足乃脾腎經行之地脾陽不舒腎氣亦鬱所以令也以啟脾養肺 獨豪防細辛川芎蔓荆子各三分黄茂生甘草升柴各五分薄荷 以助東方用己之風鶇以去其濕。甘寒以為其熱生芩酒苓人參炙草 震按自汗而足令不能行動顯係下焦虚寒矣尺脉當沉絕何反沉大 工憑脉論證或認下焦濕熱而用二妙散防已黄茂等方俱與脾氣 無窮不專以飲濇為止汗定法也 震按汗出不止尚用諸般風藥非東垣不能故録之以見病情之變化 工舍脉憑證必將温補肝腎而用熟地枸杞從蓉鹿茸桂附等藥緣 人自汗足冷不能行動之脉沉大此脾氣下陷也故肺失養而 案 按一人卷四 心胸間 煩熱頭目昏慣上壅食少

用 H 黄芪建中、陰虚盗汗、用當歸 與之告者曰先服此樂已大汗不堪今又服 所選三案皆 震按景岳之言的係醫宗 景岳 腦 味 有 順 表虚用 極機 收汗 神 回 正氣將復 日余嘗治 非 一陽飲 午而浸汗不收身冷如脱鼻息幾無復以告余余令以前藥 膏也? 復 爾所 取高超者 玉 用 屏風散 人參 能 此 和也急令 忽爾作戰自 廳善用温 知闔闢之 無怪乎人 衰翁年 心虚 兩薑附各 以示模範 三昧。 再 補向 逾之 之疑 用 六黄湯地黄湯加 權。 進遂汗 旦至晨不能得汗寒慄 此案只稍 誠 其放與收有所以 旬陡患傷寒初起 脾 非 能悟此則線索在 之也而不 三錢使之煎服 全法也 湯肝火 收神復 加 肉桂 用左金白芍龍出 如陽虚自汗。 此尚堪 知汗之 不 白 旬 亦 芍壮 日 郎用 以尺 再 **手操縱成宜矣** 出與汗 而 咽少 危甚 蝎浮小 者則無惠 起矣嗚呼發汗 脉 温 用參附茂 頃即大 告急於 之 補 2 調 沉大 收 胃 理 地 用 稲 附 但 余

一古今醫案按一卷四	古今醫案按卷第四終			陰汗心窩汗飲食汗方各另採總宜多閱諸書。固難備述是編。用清暑盆氣以及麻黃根敗浦扇封臍藥外撲治法宜編求他如頭汗	涼膈散白虎湯風勝用桂枝湯經勝用羗活勝淫湯痰用導痰温膽暑
- 早八				諸書。固難備述是編。外撲治法宜編求他如頭汗	活勝淫湯。夜用導痰温膽暑





K952 1909 V.4